

INUIT ATAQATIGIIT INATSISARTUNI



17. Februar 2026

UKA2026/137

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Atorfimmi	peqquserlunnerup	akiornissaanut	Naalagaaffiit	Peqatigiit
isumaqatigiissutaannut	Kalaallit Nunaata	ilanngunneqarnissaanik	matumalu	aalajangiiffigisassatut
siunnersuutip	akuerineqarnerata	kingunitsianngua	tamatuma	sulissutigineqalernissaa
aallartinneqaqqullugu	Naalakkersuisut	peqquneqarnissaannik	Inatsisartut	aalajangiiffigisassaattut
siunnersuut.				

(Inatsisartunut ilaasortaq, Mariane Paviassen Jensen, Inuit Ataqatigiit)

Tunngavilersuut:

Nunarput soqutiginaateqarluarpoq, aalisarnikkut, aatsitassarsiornikkut, takornarialerinikkut, nunalerinikkut inuussutissarsiutigullu allatigut nunatsinni aningaasarsiorfissaqqissuni nunanit allanit soqutigineqarluarluni inissisimavoq.

Tamanna iluaqutaasussaavoq taamaattorli aamma annertuunik sillimaffissaqarpugut, nunatsinni peqquserlulluni suliniuteqarsinnaanerit ullumikkorniit annerusumik nunallut tamalaat akornini suleqateqarnissaq suliniaqatigiiffinnullu pingaarutilinnut ilaanissarput pingaaruteqartorujussuuvog.

Nunatta pisuussutai nunaqavissunik iluaqutigineqartussaapput, peqquserlunnikkulli inunnet ataasiakkaanut iluanaarutinngunnginnissaat sulissutiguagassaavoq. Pingaaruteqarpoq nunarsuarmioqataasut nunarsuarmi suliniaqatigiiffiit anguniagaqatigiit akornini suliniuteqaqataasutut inissisimanissarput, uanilu peqquserluttarneq akiorniarlu Nalagaaffiit peqatigiit isumaqatigiissutaannut peqataalernissarput pisariaqavissuuvog.

Nunatummi naleqartitatta ilagaat nunatta pisuussutai tassaasasut uagut nunaqartut tamavitta iluaqutissarisagigut, tamannalu atorfilinniit ileqqorlullutik inatsisitigut illersugaanissatsinnut tunngatillugu inuit atorfeqarsimanertik tunngavigalugu ilisimasaqaleriarlutik aatsitassarsiorfinnut sullissilertartut takussaalerallutuinnaarput. Atorfiliusimasut aammalumi qinikkatut sulisimasut aatsitassarsiornianit assigiinngitsuni atorfinitsinneqarput, tamassumalu apeqquernartoqarnera ilisimaarneripput apeqquernarsisarluni.

Siunnersuut uumatut iffaarittoq qinigaaffik kingulleq Inuit Ataqatigiit sinnerlugit ilaasortaasumit Asii Chemnitz Narup-imit qaqinneqarpoq, taamanikkulli naalakkersuisuusut allannguutissatut siunnersuuteqarput mannali tikillugu sulii piviunngortititsoqanngilaq, suleriaaserlu malillugu Naalakkersuisut suleriaasianni qinigaaffiit nutaat aallartinneranni qinigaaffiit kinguliini akuerineqarsimasut

Naalakkersuisunit pisussaaffiliineq ajornerisa kinguneranik siunnersuut una qaqeqqittariaqartoq isumaqarpunga.

Neriuppunga inatsisartut naalakkersuisullu siunnersuutip qanoq pingaartiginera aamma pimooruttariaqarnera paasilluarlugu akuersisinnaassasut tamatumalu kingorna Naalakkersuisut suliap inatsisartuni aalajangerneq aallaavigalugu pimoorullugu suliaq ingerlatissagaat.

Siunnersuummut isummat tusarnissaannut qilanaarlunga oqallinnerup torersumik ingerlanissaanik kissaateqarlunga neriulluarlungalu qujavunga.

Pisortanut aningaasatigut allaffissornikkullu kingunerisassai:

Taamatut iluseqarluni siunnersuut akuerineqassappat pisortani aningaasaqarnikkut allaffissornikkullu tamanna erniinnaartumik kinguneqassaaq. Siullermik killilimmik suliasamat piareersaaneq naammassiniartariaqassaaq. Taamaasiortoqartariaqassaaq Inatsisartut aalajangiussaannik timitaliiniarnermi Naalakkersuisuni ilaasortaq danskit naalakkersuisuinut sulissuteqartussaq kiffartuunneqarsinnaaqqullugu. Missingerneqarpoq suliaq tamanna AC-fuldmægtigip ataatsip ukioq kaajallallugu 1/4-ianik naleqassasoq. Inatsisiliornerup ingerlaqqinnerani tamakkiisumik qulaajarneqassaaq atorfimmi ileqqorlunnerup akiornissaanut Naalagaaffiit Peqatigiit isumaqatigiissutaannut Nunatta ilanngutitaanera ataatsimut isigalugu qanoq nassataqassanersoq. Taamaattoq atorfimmi ileqqorlunnerup akiornissaanut Naalagaaffiit Peqatigiit isumaqatigiissutaata Nunatsinnut atuuttussanngortinneqarneratigut aningaasaqarnikkut allaffissornikkullu naammattusaakkanik kingunerisassanik tunngavissiisumik missiliuussinermik siunnersuummut matumunnga akissuteqaammut ilanngussassamik saqqummiusseqqullugit Naalakkersuisut inanneqassapput.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.